

CONCIERTO DI ALUMNONAN DI MAYBELINE ARENDS-CROES

Siman pasa nos tabata invita pa presencia un concierto di alumnonan di señora Maybeline Arends-Croes na Cas di Cultura especial pa mayornan di dicho alumnonan.

Nos a disfruta dos hora y mey di e musico cu locual e jovennan a siña durante di temponan corto, entre otro alumnonan cu seis luna, un aña, y dos te tres aña cu ta hayando les cerca Maybeline.

Tabata asombroso pa mira chikitinnan acompaña wals y tumba ariba cuatro cu hopi facilidad. Ariba guitarra tambe un cantidad grandidi jovennan a demostra e talento cu ta biba den Arubiano-

nan pa cu musica. Henter e atardi tabata reina un ambiente hogareño, manera ta cun familia grandi a bin hunto.

Dos ruman Solognier a trece numeronan un poco dificil manera The Entertainer, na oido di e presentenan.

The Young Voices cu ta rumbo pa profesionalismo a deleita e sala completo cu un variacion di walsnan Arubano.

Kevin, un alumno cu ta cerca Maybeline pa tres aña, a toca Yesterday y Tinker Box cu hopi feeling y a ricibi hopi aplauso. Na final Maybeline a keda conmovi y a splica e mayornan con e jovennan aki ta cuminza

ta plink-plink cu un dede ariba piano y awe cu facilidad y sentimiento ta toca numeronan un poco dificil y completo. Tambe den su discurso di ciere di e atardi, cu e alumnonan el a expresa e balor cu un desaroyo musical tin pa un persona y kitando esnan cu ta birando teenager for di maldad y peligranon di awendia, entre otro droga, usando nan tempo liber pa studia musica.

Na final tur presente a lanta para y canta hunto cu tur e estudiantenan despedida di Padu del Caribe y tabata algo masha impresionante y inolvidable pa tur e presentenan.

Maybeline pabien na bo y tur bo alumnonan.